

此如來部妙法門 羯磨成就最上作

金剛部法成就教理

諸佛教勑清淨義

救度有情利亦然

無忿怒中忿恚生

破諸魔惡得成就

蓮華部法成就教理

蓮華處染而無染

貪性亦然無所著

此說若知外事無

設作諸罪亦無染

寶部法成就教理

平等布施無有法

真實所行說亦然

此寶部法外復無

彼成就法能過上

如上是爲諸部法成就教理

佛說一切如來真實攝大乘現證三昧大教
王經卷第二十四

佛說一切如來真實攝大乘現證三昧大教

王經卷第二十五

宋西天龍奉奏詔光御傳燄師施護奉詔譯

一切如來真實攝一切儀軌隨應方便廣大
教理分第二十三之二

復次金剛手菩薩摩訶薩宣說諸部羯磨成就教理謂先通說如來羯磨成就教理頌曰

一切有情悉成佛 或成菩薩亦復然

如教所說依法儀 能施羯磨勝成就

如來部羯磨成就教理

布以四種勝供養 四種相應法亦然

隨其四時作法儀 當作羯磨成就事

金剛部羯磨成就教理

爲欲破滅惡有情 隨不善法亦應作

此金剛部羯磨儀 能與一切勝成就

蓮華部羯磨成就教理

諸有怖者施無畏 如教所說法亦然

此蓮華部羯磨儀 能施一切佛成就

寶部羯磨成就教理

依法施彼寶灌頂 圓滿一切勝意願

諸佛諸有情亦然 成就一切羯磨事

如上是爲諸部羯磨成就教理

復次金剛手菩薩摩訶薩宣說諸部法性智

成就教理謂先通說如來法性智成就教理

金剛薩埵三摩地之諸佛法性於中住

即以是智成佛尊 此外無別佛可得

如來部法性智成就教理

依前觀想於大印 能成一切成就事
此即如來部法門 施彼法性勝成就
金剛部法性智成就教理

三昧勝印依法結 能成一切羯磨事第十三

依彼大印本法儀 即得金剛勝成就
蓮華部法性智成就教理
所有法印本法用 如其法儀轉法印
而此成就妙法門 是即法性金剛法

寶部法性智成就教理

依彼羯磨印法用 獢磨金剛杵安心

如是觀想法性成 即得一切勝羯磨
如上是爲諸部法性智成就教理

復次金剛手菩薩摩訶薩宣說諸部智印成
就教理謂先通說如來智印成就教理

金剛薩埵三摩地 淨月金剛勝法用
隨諸色相現應知 亦然世間隨相現
淨中淨勝智應知 是相潔白而明亮
染中染現忿怒身 隨諸色相彼身現

如來部智印成就教理

依法大印而相合 月曼拏羅妙光明
隨其自事若了知 亦然悉知世間意
金剛部智印成就教理

若在虛空若餘方 隨現忿怒曼拏羅

若如是相有所觀 彼如是意悉明了
蓮華部智印成就教理

微妙文字成行列 想現虛空分位中

隨諸色相次第知 彼如是相從心現
寶部智印成就教理

應徧觀察諸世間 若如是相有對礙
彼如是相亦然觀 而世間心悉明了
此如是心相合故 是中有去亦有來
若所作中有動搖 隨所見相亦然現
所有別別諸有情 以等至心普觀想
彼彼所見亦復然 而一切心悉覺了十三
此佛所說執金剛法門十四

如上是爲諸部智印成就教理

復次金剛手菩薩摩訶薩宣說諸部成就智
教理謂先通說如來成就智教理

大士加持勝法用
此如是智若相應
即得最上佛成就
如來部成就智教理

想已身即佛影像
即得最上佛成就
寶部成就智教理

如來部成就智教理

若在虛空若餘方
中有自印大士身
歷然煥明而可見

現黃白光曼拏羅

金剛部成就智教理

若如是相諸影像

是中黑色隨應觀
隨方如應現聖身
如上是爲諸部成就智教理

金剛部勝成就門
蓮華部成就智教理

即彼虛空妙青色

是中隨見蓮華相

復次金剛手菩薩摩訶薩宣說諸部神通智
成就教理謂先通說如來神通智成就教理
金剛薩埵三摩地 想現如來一切身

此大蓮華部印明 成就出生如是法
若在虛空若餘方 即彼虛空淨無垢
漸廣出現光明鬘 見已速得成就法
金剛薩埵等大士 月曼拏羅妙光明

觀想一切菩薩等 出現諸身亦復然

如來部神通智成就教理

金剛薩埵大印契 妙等引心依法結
依此法作成就時 即獲五種神通事
所謂天眼智通等

大印依法而相合 是中發生於眼識
隨彼所有觀察時 一切極遠尚能見

此佛所說金剛薩埵法門

大印依法而相合 是中發生於耳識
大印依法而相合 是中發生於意識
隨諸有情若觀時 悉能了知彼心意
大印依法而相合 是中若自若他人
能觀彼相知彼心 過去生事皆發現

此佛所說金剛手法門

大印依法而相合 隨所樂起神通事
是中若處若諸方 妙等引心悉能現
此佛所說大菩提心法門

金剛部神通智成就教理

此佛所說金剛薩埵法門

所有降三世勝印 妙等引心依法結

依此法作成就時 即獲五種神通事

現彼忿怒一切事 如教所說依次第

天眼智等法相應 刹那成就諸神通

此佛所說金剛薩埵法門

蓮華部神通智成就教理

調伏世間最上印 妙等引心而相念

依此法作成就時 即獲五種神通事

隨其所說貪染法 如教次第亦復然

天眼智等法相應 即能成諸申通事

此佛所說觀自在法門
寶部神通智成就教理

彼一切義成就印 妙等引心依法結

依此法作成就時 即獲五種神通事

編作一切佛供養 如教次第亦復然

天眼智等法相應 能見五種神通事

此佛所說虛空藏法門

如上是爲諸部神通智成就教理

復次金剛手菩薩摩訶薩宣說諸部真實誓

誠成就教理謂先通說如來真實誓誠成就

教理

如應真實隨轉已 依教當作誓誠語
斯大真實善護儀 由此速得成佛果

此佛所說覺智法門

如來部真實誓誠成就教理

今此誓誠三昧法 從如來部^十所出生

金剛真實善護門 由此速得勝成就

此佛所說執金剛法門

金剛部真實誓誠成就教理

執金剛者迅誓誠 作已無敢有違越

真實三昧善護門 隨所欲得勝成就

此佛所說執金剛法門

蓮華部真實誓誠成就教理

正法誓誠所作已 大蓮華部勝最上

真實三昧善護門 隨所欲得勝成就

此佛所說法金剛法門

寶部真實誓誠成就教理

諸佛供養善護誠 作已無敢有違越

最上真實善護門 由斯獲得大灌頂

此佛所說佛供養法門

如上是爲諸部真實誓誠成就教理

復次金剛手菩薩摩訶薩宣說諸部三昧真

實成就教理謂先通說如來三昧真實成就

教理

誦三昧耶薩怛鍾 本部中出一切印

依法自結堅固成 所作法無不成者

此佛所說大三昧真實法門

如來部三昧真實成就教理

誦蘇嚩多薩怛鍾 一切印契皆成就

由自所結成就故 是即大士真實語

此佛所說大三昧真實法門

金剛部三昧真實成就教理

依法一稱吽字時 一切印契如次第

是中自他印契門 自結亦復令他結

蓮華部三昧真實成就教理

薩哩縛林駄稱時 是中若自若他人

出生門等合相應 於一切處不捨離

寶部三昧真實成就教理

唵字如是作成就 一切印契如次第

一切世間勝亦然 自然成此勝供養

如上是爲諸部三昧真實成就教理

復次金剛手菩薩摩訶薩宣說諸部印成就

教理謂先通說如來印成就教理

佛印依法而相合 應當思念於如來

速疾能成悉地門 諸佛菩提常安住

如來部印成就教理

金剛薩埵大印契

想在金剛薩埵前 速疾得彼勝悉地

金剛部印成就教理

結彼勝三昧印契 金剛薩埵三摩地

中想金剛薩埵尊 獲得二倍成就法

蓮華部印成就教理

結彼法所成印契 觀自在尊三摩地

中想觀自在聖尊 獲得二倍成就法

寶部印成就教理

依法羯磨印相合

金剛藏尊三摩地

中想金剛藏聖尊

獲得二倍成就法

如上是爲諸部印成就教理

復次金剛手菩薩摩訶薩宣說諸部一切成

就法用教理謂先通說如來一切成就法用

教理

自身當住於佛前 應作念佛三昧觀
編結一切印契成 刹那得彼成就法
此佛所說覺智法門

如來部一切成就法用教理

若作一切印成就 隨我所欲此觀想
金剛持誦法相應 能成一切脫悉地
此佛所說金剛薩埵法門

金剛部一切成就法用教理

金剛影像即自身 妙等引心當觀想

一切印契結若成 刹那即得成就法
此佛所說一切如來堅固法門

蓮華部一切成就法用教理

蓮華影像即自身 依法自身當觀想
諸智莊嚴成就門 此大蓮華部法用

此佛所說觀自在法門

寶部一切成就法用教理

依法觀想於自身 現摩尼寶篋光聚

諸供養成悉地門 此大寶部勝法用

此佛所說虛空藏法門

如上是爲諸部一切成就法用教理

佛說一切如來真寶攝大乘現證三昧大教
王經卷第二十五

音釋

川三

二十一

嚙音栗唎人者餽切范額鄂格切與釐猪孟
張畫縚也

永樂北藏

現證三昧大教王經

第七二冊